

CONVENIO DE COLABORACIÓN ENTRE O CONCELLO DE ABEGONDO, A CONSELLERÍA DE SANIDADE, AUGAS DE GALICIA, DEPUTACIÓN PROVINCIAL DA CORUÑA, A ASOCIACIÓN DE DESENVOLVEMENTO RURAL MARIÑAS-BETANZOS E O INSTITUTO TECNOLÓXICO DE GALICIA PARA A POSTA EN MARCHA DO PROXECTO “*CREATING A NEW CONCEPT OF NATURAL DRINKING FOUNTAINS AND DEMONSTRATING ITS VIABILITY ALONG ST JAMES' WAY: LIFE WATER WAY*”, BENEFICIARIO DO PROGRAMA LIFE DA COMISIÓN EUROPEA (LIFE 16 ENV/ES/000533).

## MEMORIA XUSTIFICATIVA

O xerente do Servizo Galego de Saúde, **DECLARA:**

Que o Concello de Abegondo, a Consellería de Sanidade, a entidade pública empresarial Augas de Galicia, Deputación Provincial da Coruña, a Asociación de Desenvolvemento Rural Mariñas-Betanzos e o Instituto Tecnolóxico de Galicia formalizaron o 21.12.2018 o convenio arriba mencionado, todo elo no marco do Programa Life da Comisión Europea (LIFE 16 ENV/ES/000533).

Que, de acordo co previsto na cláusula terceira do dito convenio, relativa á “*Entrada en vigor e duración do convenio*”, este entrou en vigor o mesmo día da súa sinatura e estará vixente ata o total cumprimento de todas as obrigas asumidas polas partes (Beneficiarios do programa Life Water Way). Non obstante, en relación ás obrigas asumidas polas partes, tanto entre elas como coa Unión Europea, así como ao marco temporal para cumprimentalas, hai que estar ao previsto na dita cláusula.

Que, de conformidade coas condicións requiridas para poder participar no Programa LIFE 2016, o instrumento convencional ten por obxecto regular a cooperación entre os Beneficiarios co fin de levar a cabo o desenvolvemento do proxecto “*Creating a new concept of natural drinking fountains and demonstrating its viability along st james' way: life water way*” definido no apartado 2 da parte expositiva do convenio.

Que existe converxencia de intereses entre as entidades asinantes en orden á consecución do obxecto referido.

Que o instrumento convencional que se pretende asinar fundaméntase no seguinte:

1. As partes arriba mencionadas, agás a Deputación Provincial da Coruña e o Instituto Tecnolóxico de Galicia, presentaron xunto coa empresa Seko Ibérica Sistemas de Dosificación, S.A. unha proposta de proxecto ao Programa LIFE da Unión Europea, cuxas bases están reguladas polo Regulamento (UE) nº 1293/2013 do Parlamento Europeo e do Consello, do 11 de decembro de 2013, relativo ao establecemento dun Programa de Medio Ambiente e Acción polo Clima (LIFE) e polo que se derroga o Regulamento (CE) nº 614/2007 (DOUEL do 20 de decembro do 2013).

2. A citada proposta presentouse baixo a modalidade de “*Proxecto en cooperación*”, e polo tanto as partes formalizan as súas relacións mediante acordos de colaboración para establecer os seus dereitos e obrigas no desenvolvemento do proxecto.
3. Os obxectivos e planificación técnica e económica do proxecto, descríbense no “*Grant Agreement LIFE 16 ENV/ES/000533*” (Acordo de subvención LIFE 16 ENV/ES/000533) subscrito entre a Unión Europea, representada pola “Agency for Small and Medium-sized Enterprises”, e o Concello de Abegondo.
4. O Acordo de subvención LIFE 16 ENV/ES/000533 foi asinado por don Angelo Salsi, Director da Axencia o 23.5.2017 (data de aprobación do proxecto) e ratificado por don José Antonio Santiso Miramontes, Alcalde do Concello de Abegondo o 23.05.2017.
5. Segundo o establecido no artigo I.2.1 das disposicións especiais, o acordo de subvención entrou en vigor o 23.05.2017.
6. A integración da Deputación da Coruña e do Instituto Tecnolóxico de Galicia como socios beneficiarios do proxecto tivo lugar a través da modificación do Acordo de subvención LIFE 16 ENV/ES/000533. O Instituto Tecnolóxico de Galicia entra a formar parte do proxecto no lugar da empresa Seko Ibérica Sistemas de Dosificación, S.A. a cal lle comunicou a súa retirada do proxecto ao Concello de Abegondo (socio coordinador) o 24.04.2018.
7. O convenio formalízase ao abeiro do previsto no artigo II.1.1 (c) e no último parágrafo do artigo II.1.3 das disposicións comúns do acordo de subvención.

Que os intereses converxentes das partes asinantes exclúen o ánimo de lucro, e non poden satisfacerse axeitadamente mediante a celebración dun contrato dos contemplados na Lei 9/2017, do 8 de novembro, de Contratos do Sector Público, pola que se traspoñen ao ordenamento xurídico español as Directivas do Parlamento Europeo e do Consello 2014/23/UE e 2014/24/UE, do 26 de febreiro de 2014, ou doutro instrumento alleo á natureza estritamente convencional.

En atención ao exposto, e a fin de dar cumprimento ao preceptuado no artigo 15.2. da Lei 1/2016, de 18 de xaneiro, de transparencia e bo goberno, estímase xustificado o recurso á sinatura do instrumento convencional que se pretende, con exclusión doutras figuras.

E para que conste, asíñase esta memoria, en Santiago,

